

Ass Ponys

"Money Maker"

Visit "[Money Maker](#)" on MotoLyrics.com

[Intro:]

So why money should be a problem?

A dat mi waan kno

To di poorer man dem

(Rosetown)

Cause money deh yah nuff

(Annatown)

So hear weh we a seh nuh

[Verse 1:]

Yow, well money deh yah yuh just haffi know

How fi get it

Get a son now, so mi mek a vow fi get it

But I woulda neva stoop low fi get it

A gwaan do some dubs and stage show fi get it

Bounty killa a seh "hey yo, yallow" fi get it

Den mi hear Black Rob a seh "whoa" fi get it

Beenie man a seh "zagga zagga zow" fi get it

Elephant man a seh "you know! " fi get it

Den Buju a seh "til shiloh" fi get it

Mi see Bogle a dance pon him toe fi get it

A saxophone Dean Fraiser blow fi get it

"Skibidiby" Hawkeye change di flow fi get it

Den di politician dem a sell gwoy fi get it

Ghetto yutes dem don't want allow fi get it

So a ganja di youths dem a grow fi get it

Get a visa, drop inna di snow fi get it

But a to di extreme some go fi get it

Nuff gyal turn New Kingston ho fi get it

Mi see nuff man stray til dem bow fi get it

Now man backyard dem all plow fi get it

Cause

[Chorus:]

Everybody wanna be a money maker

Drive a criss car, live in a skyscraper

Some, more time fi get dis likkle paper

Dem sell dem soul and forsake di creator

Everybody wanna be a money maker

Drive a criss car, live in a skyscraper

Some, more time fi get dis likkle paper

Dem sell dem soul and forsake di creator

[Verse 2:]

Den people sweat off dem brow fi get it
Dem woulda sell callaloo an pachow fi get it
Di farmer raise goat an cow fi get it
Nuff clothes di tailorman sow fi get it
Hairdresser weave an cornrow fi get it
People play lotto and bingo fi get it
Tink a likkle partner mi madda throw fi get it
While some juss beg and borrow fi get it
But sometime yuh haffi know how fi leff it
Do not kick off a man door fi get it
Do not rob a shop or a store fi get it
Or turn yuhself inna gigalo fi get it
It's the root of all evil, don't figet it
Work hard fi yuh money, and you won't regret it
Nuff woulda sell dem soul now fi get it
Til dem all end up a deathrow fi get it

[Chorus]

Visit [Ass Ponys](#) page on MotoLyrics.com, to get more lyrics and videos.